

GWERSYLL YR URDD GLAN-LLYN

Cynllun Hyfforddai Glan-Ilyn 2017-2018: Disgrifiad o ddyletswyddau:

1. Bydd y cyfnod hyfforddiant yn para am flwyddyn gan gychwyn ar Fedi 1af 2017 tan ddiwedd Awst 2018. Disgwylir i hyfforddai gydweithio fel rhan o dîm yr Adran Weithgareddau.
2. Bydd pecyn ariannol o £531 y mis yn cael ei gynnig fydd yn cynnwys lwfans byw yn ogystal â threfniadau hyfforddiant a llety.

Bydd yr hyfforddai yn gweithio mewn rota gyda gweddill aelodau yr adran. Yn ogystal â hynny, fe fydd yn ofynnol i'r hyfforddai fod ar ddyletswydd gyda'r hwyr (5-10 o'r gloch) o leiaf unwaith yr wythnos er mwyn ymateb i unrhyw ymholiad gan arweinyddion y cwrs/cyrsiau ac i fod yn ddolen gyswllt rhwng yr arweinyddion a'r rheolwr sydd ar ddyletswydd gyda'r hwyr.

3. Rhoddir 25 diwrnod yn rhydd o'r cynllun hyfforddai yn ystod y flwyddyn. Rhaid neilltuo tridiau i'r cyfnod rhwng Nadolig a'r flwyddyn newydd a rhaid cymryd o leiaf chwech diwrnod yn ystod 2017 a'r gweddill yn 2018.
4. Disgwylir i ymgeiswyr llwyddiannus gymryd rhan yn yr holl hyfforddiant a gynigir. Anelir at dystysgrifau cenedlaethol:
 - Tystysgrif 2/3 Seren Canwio a Ceufadu.
 - Hyfforddwr Canwio a Ceufadu UKCC Lefel 1
 - Tystysgrif Hwyllo Lefel 2.
 - Tystysgrif Cwch Achub Lefel 2
 - Tystysgrif FSRT Foundation Safety Rescue Training
 - Hyfforddiant Saethyddiaeth Lefel 1
 - Tystysgrif Cymorth Cyntaf
 - Cwrs Achub Bywyd Pwll Nofio
 - Hyfforddwr ERCA Cwrs Rhaffau
 - I ymgeiswyr sydd â phrofiad blaenorol o Fynydda a Dringo mae yn bosibl mynd ymlaen i ennill cymhwyster Lowland Leader, Hyfforddiant Arweinydd Mynydd a Gwobr Dringo Dan Do ac SPA.
 - NVQ – bydd y cynllun yn arwain at brentisiaeth Lefel 2 Llywodraeth Cymru.
5. Er mwyn ennill y tystysgrifau disgwylir i'r ymgeiswyr ymarfer y tu allan i oriau arferol y cynllun. Yn ogystal â'r hyfforddiant uchod rhoddir hyfforddiant mewnol yn holl weithgareddau mewnol amrywiol y gwersyll, a cheir profiad o weithio gyda Gwasanaeth Awyr Agored Gwersyll Glan-Ilyn.
6. Disgwylir i'r hyfforddai ymgymryd â'r cynllun o ddydd Llun i Gwener i ddechrau gyda dyletswydd nos unwaith yr wythnos, ac yna ar ôl cyfnod o hyfforddiant, bydd yr hyfforddai yn mynd ar rota staff y Gwersyll sy'n golygu bod ar ddyletswydd yn achlysurol ar benwythnosau ac oriau hwyr ac anghymdeithasol. Fe roddir amser ychwanegol i ffwrdd am hyn.
7. Mae llawer o ddyletswyddau cyffredinol y Gwersyll yn disgyn i ran aelodau'r Adran Weithgareddau. Bydd y rhain yn cynnwys glanhau a chynnal a chadw gwahanol

ardaloedd ac offer o fewn y Gwersyll, llenwi peiriannau bwyd a diod, a rhoi cymorth i adrannau eraill y Gwersyll yn ôl y galw.

8. Bydd yr hyfforddai yn uniongyrchol yn atebol i Bennaeth yr Adran Weithgareddau a thrwyddo ef i'r Cyfarwyddwr.
9. Oherwydd natur y Gwersyll, fe fydd rhaid i'r ymgeiswyr ymateb i alwadau a gofynion amrywiol o dro i dro.
10. Disgwylir i'r ymgeiswyr llwyddiannus fod yn 18 oed, yn rhugl yn y Gymraeg a'r Saesneg, gyda diddordeb mewn plant a phobl ifanc, ac yn meddu ar bersonoliaeth radlon a brwdfrydig.

Dychwelwch eich Ffurflen Gais erbyn Mehefin 9fed 2017 at:
Cyfarwyddwr, Gwersyll yr Urdd, Glan-llyn, Llanuwchllyn, Y Bala, Gwynedd LL23 7ST
glanllyn@urdd.org

Rhagwelir y cynhelir y cyfweiliadau ar Fehefin 29eg.